



Siverth K. Heilmann

01. 10. 2019

Atassut

UKA 2019/141-1

Uunga siunnersuut: Tapersiissutitalimmik inissialiortiternermut taarsigassarsititsisarneq pillugu Inatsisartut inatsisaat nr. xx, xx. xxx 2019-imeersoq.

(Ineqarnermut Attaveqaqatigiinnermullu Naalakkersuisoq)

Naalakkersuisuniit tapersiissutitalimmik inissialiortiternermut taarsigassarsititsisarneq pillugu allanguiniarnerannut, imatut Atassut-miit oqaaseqarfigissavarput.

Atassut-miit pingaartitarput aallarniutigilarput. Ilaqutariit tamarmik toqqiissisimanartumik ineqartinneqarnissaat pingaartitarilluinnaratsigu, taamaattorli ukiuni makkunani pisortat inissiaataanni, minnerusumik annerusumilluunniit aserfallassimasut oqoqalersimasunilu najugaqartitsinigut akilersuisitsinigullu tanngassimaarutissaanngilluinnarmata.

Isertitat sumilu najugaqarneq apeqqutaatillugu inissianik nammineerluniluunniit pigisassaminnik illutaarsinnaaneq periarfissaq pitsaagaluaqisoq, assigiinngitsorujussuarmik atugassaqartitsineq Naalakkersuisut oqariartuuteqarnerat Atassut-miit ilumoornerassavarput. Sanaartornermi kvadrat-meterimut unammillerfiunngitsuni qaffasinnerusinnaasarput, realkredit-teqarfiunngitsuni ukiuni ikinneerarsuarni erniaalu qaffasinneroqisunik taarsersuisinneqartarpugut osv osv.

Qujanaqaaruna ilaqutariit, inuillu ataasiakkaat isertitakitsut illoqarfinniippata nunaqarfinniippatalu ikiortariaqavissut sumiginnaarneqaratik najugaqaannarnissaannut akileraartartutuut pisortaniillu pisussaaffeqarnerput naammassineqarsinnaasarmat.

Inuit peqqissut suliffissaminnik neqeroorfigineqartartut, imminut ilaqtutanullu pilersornissaminnut periarfissinneqarsinnaasarput. Suliumannngitsulli aningaasanik aalliinnartarnissaat aqqiisimaneq sukateriffiusariaqartoq, suli iluatsinngilarput. Tamanna piffissanngunnginnerpa?

Piginneqatigiilluni illuliortiternernut, nammineq illutaarnissanut, isertitat assigiinngitsut atorlugit aaqqissuussineq, namminersortut suliffeqarfiit inissialiortarnerat, pisortat isumalluutigiinnarnagit sanaartortoqartarmat aaqqissuussisimanerput torrak.

Akisussaaffinnik kommuune-mut nussuinissamik siunertaqarneq immik ajunngikkaluartoq Atassut-miit pingaartilluinnarlugu oqaatigissavarput, nuussiniaraanni aningaasartaanillu malinnaatitsinani tulluannngilluinnassammat. Tamanna suli kommuunet kattussuutinngitsut, assigiinngitsutigut misilittagaqarfiginerloreerparput soorlu aningaasatigut tunniussinialuusaarnertigut kommuune-p karsianut allaffissornikkullu ilungersuatitsisarmat taamaatitsinermik kinguneqarsinnaasarpoq.

Nammineerluni illuliortarnermi siunertaminut naapertuukkunnaarmat, sanaqateqarluni illuliorsinnaaneq atuutilersissimavarput. Naalakkersuisut taarsigassarsianut erniaqanngitsunut



akilersugassaangitsunullu piffissamik allannguiniarnerat ajunngikkaluartoq, taamaattoq Atassut-miit pingaartinneruvarput partiit akimorlugit nalilersueqatigilluartoqassasoq.

Inuppassuaqarpoq utoqqalillutik BSU illuutaanik taasakkatsinnik ukiorpassuarni najugaqartunik aammalu periarfissinneqarsimasunik namminneq illuutigilersinnaasaminnik. Aningaasanut inatsit aqqutigalugu iluarsaanissanut oliefyr-it taarsernissaannut il il pingaartumik utoqqalinersiuteqartut taarsersugassaangitsunik periarfissinneqartarnerat torrassuuvoq.

Kommuunet suliffeqarfinnut iluarsaanissanut neqeroortunut akiitsoqartalersimani pissutaalluni, najugaqartunut namminermut assut ilungersunarsisimavoq. Neqeroortitsineri suliffeqarfik akuerisaasoq, allanut suliarereersimasaminut, kommuune akiitsoqarnera pissutaalluni najugaqartut eqqugaqqappat akueriuminaalluinnartumik. Taamaammatt pisortat akornanni akisussaaffinnik nussuinerit piviusunngunnginnerini Atassut-ip kukkussutaasimasorpassuit pillugit oqariartuutigisagakkagut nalilersorluarneqartariaqarput.

Taamatut oqaaseqarluta suliassap aappassaaneerqannginnermini ataatsimiititaliap susassaqtup peqqissaarullugu una suliassaq nalilersorluassagaa Atassut-miit inassutigissavarput.